

ՍՈՎԵՏԱԿԱՆ ՀԱՅԱՍՏԱՆՈՒՄ ԳՅՈՒՂԱՏՆՏԵՍԱԿԱՆ
ՄՏԱՎՈՐԱԿԱՆՈՒԹՅԱՆ ԿԱԶՄԱՎՈՐՄԱՆ ՊԱՏՄՈՒԹՅՈՒՆԻՑ
(1921—1925)

ԲՈՐԻՍ ԹԱՄՐԱԶՅԱՆ

Սովետական Հայաստանի նոր մտավորականության ձևավորման պատմության մեջ ուրույն տեղ ունի գյուղատնտեսական մտավորականության պատրաստման, ձևավորման և կազմավորման պատմությունը։ Նոր սոցիալիստական գյուղատնտեսական մտավորականությունը կոչված էր մեծ դեր խաղալու գյուղատնտեսության վերականգնման, գյուղում կուլտուրական հեղափոխության իրականացման, սովետական իշխանության քաղաքականության կենսագործման գործում։ Սովետական իշխանության առաջին տարիներին առաջնահերթ խնդիր էր դարձել գյուղատնտեսական հին մտավորականությանը սոցիալիզմի ոգով դաստիարակելը և նրա ներգրավումը երկրի տնտեսության վերականգնման գործին։ Դա բխում է մեր երկրում ծավալվող նոր տնտեսական քաղաքականությունից։ Հայաստանում նրա կիրառման համար կարևոր նշանակություն ունեցավ Վ. Ի. Լենինի 1921 թ. ապրիլի 14-ի ծրագրային նամակն ՍՍՀՄ-ի Կոմունիստների, Վրաստանի, Հայաստանի, Դաղստանի և լեռնականների հանրապետության կոմունիստներին։ Վ. Ի. Լենինը Կովկասի կոմունիստներին խորհուրդ էր տալիս տնտեսության վերականգնման աշխատանքները սկսել գյուղատնտեսությունից, «իսկույն աշխատել բարելավել գյուղացիների գրությունը և սկսել էլեկտրիֆիկացիայի, ոռոգման խոշոր աշխատանքները»¹։ Մինչ այդ 1920 թ. Վ. Ի. Լենինը գրում էր. «բուրժուական կուլտուրայի, բուրժուական գիտության, բուրժուական տեխնիկայի ամեն մի ներկայացուցչի պետք է գնահատել։ Առանց նրանց մենք չենք կարող կոմունիզմ կառուցել»²։

Վ. Ի. Լենինի պահանջներին համապատասխան Հայաստանի կոմունիստական կուսակցությունը և սովետական կառավարությունը միջոցներ ձեռնարկեցին գյուղատնտեսական սակավաթիվ հին մտավորականությանը՝ գյուղատնտեսներին, գյուղատնտեսության ինժեներ-տեխնիկ մասնագետներին, սահմանագծող ինժեներներին, հողաչափներին և անասնաբուժական աշխատողներին սովետական իշխանության շուրջը համախմբելու, քայքայված գյուղատնտեսությունը վերականգնելու ուղղությամբ։ Հայաստանի հեղկոմի և հողժողկոմատի 1921 թ. փետրվարի 11-ի «Գյուղատնտեսության մասնագետների ցուցակագրության և մոբիլիզացիայի մասին» դեկրետի համաձայն մինչև 1921 թ. փետրվարի 25-ը հողժողկոմատի գյուղատնտեսական բաժանմունքում և տեղական հեղկոմների գյուղատնտեսական բաժիններում պետք է ցուցակագրվեին քաղաքացիական և զինվորական ծառայության մեջ գտնվող գյուղատնտեսական մասնագետները (այդ թվում՝ գյուղատնտեսները, հողաչափները, կաթնատնտեսության, շերամապահության մասնագետները, գյուղատնտեսության ինժեներ-տեխնիկ կադրերը)։ Ցուցակագրվելու էին նաև ոչ մի տեղ չաշխատող գյուղատնտեսական մասնագետները³։ Հայաստանի ռազմական ժողկոմը 1921 թ. մայիսի 13-ի «Անասնաբույժների, անասնաբուժականների, սանիտարների և պայտարների հաշվառքի մասին» հրամանով պա-

1 Վ. Ի. Լենին, ՆԺժ, հ. 43, էջ 238։

2 Վ. Ի. Լենին, ՆԺժ, հ. 40, էջ 262։

3 ՀՀՍՀՀ Զեկտեմբերյան հեղափոխության և սոցիալիստական ջինարարության պետական կենտրոնական արխիվ (այսուհետև՝ ՀՀՍՀՀ ԶԶՍՀ ՊԿԱ), ֆ. 123, ց. 1, գ. 735, ք. 10։

հանգում էր նշված մասնագիտությունների ներկայացուցիչներին (բացի ռազմական ժողովրդական կոմիսարի իշխանությանը ենթակա վարչություններում, հիմնարկություններում, հաստատություններում և զորամասերում ծառայողներին) երեք օրվա ընթացքում՝ մայիսի 20-ից մինչև 22-ը ներառյալ, ըստ բնակավայրի ցուցակագրվել անասնաբուժական վարչություններում⁴։ Մինչ այդ Հայհեղկոմի հունվարի 31-ի հրամանով ցուցակագրվել էին պարենավորման գործի աշխատողները⁵։ Կարևոր էր և Հայհեղկոմի 1921 թ. փետրվարի 3-ի հրամանը՝ «Պարենավորման աշխատավորներին զորահավաքի ենթարկելու մասին»⁶։ Դեկտեմբերի և հրամանների կատարումը պարտադիր էր նշված մասնագետների համար, իսկ խուսափողները ենթակա էին ամենախիստ պատասխանատվության։ Կառավարության ձեռնարկած միջոցառումների շնորհիվ հաջողվեց որոշ չափով բավարարել գյուղատնտեսության մտավորականության պահանջները։ Այսպես, Հայաստանի հեղկոմի 1921 թ. հունվարի 23-ի որոշման համաձայն զինվորական ծառայությունից աղատվեցին գյուղատնտեսական կրթությամբ սպաները՝ գյուղատնտեսներ, տեխնիկներ, հողաշահիներ⁷։ Սովետական Հայաստանը, սակայն շարունակում էր գյուղատնտեսական բարձրորակ մասնագետների սուր կարիք զգալ։ 1921 թ. Հայաստանն ուներ ընդամենը 7 գավառական, 2 գավառակային անասնաբույժ, 9 անասնաբուժակ⁸։ Գավառների մեծ մասն ապահովված չէր անասնաբուժական անձնակազմով։ 1923 թ. ՀՍՍՀ-ում կենտրինավարչության տվյալներով մեկ անասնաբույժին 3.111 քառ. վերստ տարածություն ունեցող շրջանում ընկնում էր 126. 647 գլուխ անասուն⁹։ Մեկ անասնաբույժի համար նման քանակությամբ անասունների սպասարկումը բավական դժվար էր, այն էլ այն դեպքում, երբ անասունների մեջ տարածված էին համաճարակային բազմաթիվ հիվանդություններ, այդ թվում՝ ժանտախտ, ծաղիկ, սիրիդյան խոց և այլն։ Անասելի ծանր պայմաններում մեծ ավյունով աշխատում էին անասնաբույժներ Վ. Թորոսյանը (հողժողովմատի անասնաբուժական վարչության պետ), Տ. Քալանթարը, Վ. Վելիժևը, Ն. Զելենագորսկին, Վ. Միխայլիչևը, Պ. Ալեքսեևը, Ռ. Շումանը, Պ. Սլարակովը, Պ. Քալանթարյանը¹⁰։ Հայաստանի անասնաբուժական անձնակազմը բացի մասնագիտական աշխատանքից ներգրավվում էր նաև ժողովրդական առողջապահության բնագավառում՝ պաշարելով հատկապես գյուղերում տարածված սիրիդյան խտի, քոսի, թոքախտի, խոլերայի և այլ վարակիչ ու տարափոխիկ հիվանդությունների դեմ¹¹։ Կազմակերպվում էին անասնաբուժական ամբուլատորիաներ, որոնք համալրվում էին նոր ուժերով։ 1925 թ. ՀՍՍՀ-ում անասնաբույժների քանակը 1921 թ. համեմատությամբ ավելացրել էր ընդամենը 5-ով և դարձել 14, որից 8-ը՝ գավառական, 4-ը՝ գավառակային, 2-ը՝ քաղաքային։ Նույն ժամանակամիջոցում անասնաբուժականների քանակը կրկնապատկվել էր և հասել 18-ի¹²։ Կազմակերպվել էր 10 անասնաբուժական ամբուլատորիա¹³։ ՀՍՍՀ-ում 1925 թ. մեկ անասնաբույժին 2350 քառ. վերստ տարածքում ընկնում էր 120. 000 գլուխ անասուն¹⁴։ Վերահիշյալ փաստերից երևում է, որ 1921 թ. համեմատությամբ 1925 թ. մեկ անասնաբույժին ընկնող ծառայողական շրջանի տարածքը կրճատվել էր 761 քառ. վերստով, իսկ սպասարկող անասունների գլխաքանակը կրճատվել էր 26. 647 գլխով։ Սովետական Հայաս-

4 «ՀՍՍՀ դեկրետների և հրամանների ժողովածու», պրակ 2, էջ 32—33։

5 Նույն տեղում, պրակ 1, էջ 118—119։

6 Նույն տեղում, էջ 110։

7 ՀՍՍՀ ՀՍՍՀ ՊԿԱ, ֆ. 123, ց. 1, գ. 1, թթ. 174—176։

8 «Խորհրդային Հայաստան, հինգ տարի. 1920—1925», Երևան, 1926 թ., էջ 110։

9 Նույն տեղում, էջ 130։

10 ՀՍՍՀ ՀՍՍՀ ՊԿԱ, ֆ. 123, ց. 1, գ. 3, թ. 138։

11 Նույն տեղում, գ. 294, թ. 10։

12 «Խորհրդային Հայաստան, հինգ տարի. 1920—1925», էջ 131։

13 ՀՍՍՀ ՀՍՍՀ ՊԿԱ, ֆ. 123, ց. 1, գ. 627, թ. 93։

14 Նույն տեղում, թ. 89։

տանի անասնաբուժական աշխատողների կատարած հետազոտ աշխատանքի արդյունքն ամփոփվեց 1925 թ. մարտի 3—8-ը Նրևանում կայացած ՀՍՍՀ անասնաբույժների անդրանիկ համագումարում, որտեղ զեկուցումով հանդես եկավ Վ. Թորոսյանը¹⁵։ Հանրապետությունում անասնաբուժական գործի բարելավման համար մշակվեցին մի շարք միջոցառումներ։ Խնդիր դրվեց բարձրացնել անասնաբուժական անձնակազմի հաստիքները, անասնաբուժական վարչությունը կից կազմակերպել անասնահամաճարակային, սանիտարական և մատակարարման բաժիններ, տեղական բնակչությանից կադրեր պատրաստելու համար անասնաբուժական ինստիտուտներում ստեղծել բավարար քանակի կրթաթոշակ։ Մշակված միջոցառումներից էր նաև տեղական բնակչությանից անասնաբուժական սանիտարներ պատրաստելու համար միամյա դասընթացներ ստեղծելը, ամեն տարի երկու անասնաբույժ կատարելագործելու նպատակով գիտական կենտրոններ գործուղելը, համաճարակի դեմ պայքարելու համար անասնաբակտերիոլոգիական ինստիտուտի ստեղծումը¹⁶։ Դա առավել անհրաժեշտ էր, քանի որ Հայաստանի 361 գյուղում շորս տարում ժանտախտով հիվանդացել էր 279.355 գլուխ եղջերավոր անասուն, հակաժանտախտային սրվումներ կատարելուց հետո սատկել էր դրանց 1,5 %-ը¹⁷։ Սովետական Հայաստանի կառավարությունը նյութական միջոցների պակասության պատճառով այս պահանջները բավարարում էր մասնակիորեն։

Գյուղատնտես մասնագետների քանակը ՀՍՍՀ-ում ևս անբավարար էր։ 1921 թ. Հայաստանի 9 գավառներ ունեին ընդամենը 4 գյուղատնտես և 5 գյուղատնտեսական հրահանգիչ¹⁸։ Գյուղատնտեսների նման քանակը խիստ անբավարար էր հանրապետության գյուղատնտեսության վերականգնման աշխատանքները ծավալելու համար։ Այդ իսկ պատճառով կոմունիստական կուսակցությունը և սովետական կառավարությունը միջոցներ ձեռնարկեցին գյուղատնտես մասնագետների քանակական և որակական ցուցանիշները բարելավելու ուղղությամբ։ Հատկանշական է ՌԿԿ Կենտկոմի 1924 թ. ապրիլի շրջաբերականը, որտեղ պահանջվում էր հատուկ ուշադրություն դարձնել գավառներում աշխատող գյուղատնտեսական մտավորականության քաղաքական դաստիարակությանը, նպաստել գավառային գյուղատնտեսների համար կրկնողական դասընթացներ բացելուն, զբաղեցնել սովետական իշխանության հողային և գյուղատնտեսական քաղաքականության պրոպագանդային¹⁹։ Գյուղատնտեսի հասարակական դերի աճի հարցերը լայնորեն մեկնաբանվեցին 1924 թ. մայիսին Մոսկվայում կայացած կուսակցության XIII համագումարում²⁰։ Կուսակցության Կենտկոմի և համագումարի որոշումների կատարման ուղղությամբ գործնական քայլեր ձեռնարկվեցին նաև Սովետական Հայաստանում։ ՀՍՍՀ կառավարության հաշվետվության տվյալներով 1925 թ. Հայաստանում կար 9 գավառային և 19 գավառակային գյուղատնտես, գյուղատնտեսության 33 հրահանգիչ²¹։ Փաստական տվյալները ցույց են տալիս, որ վերականգնման ժամանակաշրջանի վերջում ՀՍՍՀ-ի մոտ 40 գյուղին միջին հաշվով ընկնում էր մեկ գյուղատնտես, որը պետք է սպասարկեր 29 հազար գյուղական բնակչության՝ մոտ 26 հազար դեպատին վարելահողով, ինչն անասնի ծանր խնդիր էր։ Փոխադրամիջոցների սուր պակասի պատճառով գյուղերի որոշ մասը զուրկ էր մնում գյուղատնտես մասնագետների օգնությունից։ 1925 թ. մարտի 2-ից 7-ը Նրևանում կայացավ ՀՍՍՀ գյուղատնտեսների առաջին խորհրդակցությունը։

15 «Գյուղատնտեսական կյանք», 1925, № 2, էջ 27—30։

16 ՀՍՍՀ ՀՀՍԾ ՊԿԱ, ֆ. 123, ց. 1, գ. 267, թ. 97։

17 «Խորհրդային Հայաստան», 6. III. 1925։

18 «Խորհրդային Հայաստան, հինգ տարի. 1920—1925», էջ 114։

19 «Խորհրդային Հայաստան», 2. IV. 1924։

20 «ՍՄԿԿ-ն համագումարների, կոնֆերանսների և Կենտկոմի՝ պլենումների բանաձևերում և որոշումներում», հատոր երրորդ, Նրևան, 1987, էջ 322—323։

21 «Խորհրդային Հայաստան, հինգ տարի. 1920—1925», էջ 114։

ՀՍՍՀ Կենտրոնականի անունից ողջունելով խորհրդակցության մասնակիցներին, Հ. Աղաաթյանն ասաց. «Դյուղում մեր գյուղատնտեսները գյուղական ուսուցչի հետ միասին պիտի կազմեն այն կամուրջը, որ գյուղը միացնելու է քաղաքի հետ: Դյուղատնտեսը գյուղական կյանքում պիտի լինի և հասարակական ու քաղաքական գործիչ, և՛ տնտեսագետ, և՛ գյուղացու համար իր դերն ու օգտակարությունն այնքան անհրաժեշտ պիտի դարձնի, որ առանց նրան գյուղացին իրեն դժբախտ զգա²²»:

Վերականգնման տարիներին Հայաստանում աշխատում էին հողաչափներ Լ. Մաղալսկին, Ա. Օղաբաշյանը, Գ. Գրիգորյանը, Խ. Միրիմանյանը, Ա. Պիվով-մյարովը, Յա. Լեիցկին, Մ. Զանգուլադյանը և ուրիշներ²³, ժողովրդական տնտեսության վերականգնման վերջում ՀՍՍՀ-ում գյուղատնտեսական մտավորականության քանակը չէր համապատասխանում տնտեսության պահանջարկին: 1925 թ. հունվարի 26-ին ՀՍՍՀ հողագործության ժողովրդական կոմիսարիատը հայտնում էր, որ անասնաբուժական վարչությունը կարիք ունի 31, իսկ գյուղ-վարչությունը՝ 33 մասնագետներ²⁴:

Դյուղում գյուղատնտեսական մտավորականությունն ակտիվ մասնակցում էր ագրոկուլտուր, գյուղատնտեսության քիմիացման, մեքենայացման պրոպագանդայի և կուլտուր-լուսավորական աշխատանքներին: Առանց գյուղատնտեսության մեքենայացման և քիմիացման՝ գյուղում անհնար էր սոցիալիզմ կառուցել: Ձեռքի ծանր աշխատանքն անարտադրողական էր և ոչ շահագրգռիչ Դյուղատնտեսության մեջ աշխատանքի արտադրողականության բարձրացմանն ուղղված՝ մեքենայացումը և քիմիացումը կամուրջ էին ստեղծում մանր-ապրանքային արտադրությունից անցում կատարելու դեպի սոցիալիստական հանրային արտադրությունը: Նորաստեղծ Սովետական Հայաստանը 1921—1925 թթ. գյուղատնտեսական գործիքներ և մեքենաներ էր ներմուծում արտասահմանից: Շվեյցարիայից ներմուծում էին կիսաֆաբրիկատներ և տարբեր տիպի գյուղատնտեսական գործիքներ²⁵, շվեդական «Բալթիկ» ակցիոնե-րական ընկերությունից ստացվում էր «Հերկուլես» և «Վիկինգ» մակնիշի հնձիչ, սերմնացան, կալսիչ, ցաքանիչ մեքենաներ և գութաններ²⁶, Կոստանդնուպոլսի «Բոսֆոր» առևտրաարդյունաբերական և տրանսպորտային ընկերությունից 1922 թ. ՀՍՍՀ-ը գնում է չեխական «Ջեխոմաշին» սինդիկատի արտադրած գյուղատնտեսական մեքենաներ և գործիքներ²⁷: Դյուղատնտեսական մեքենաներ Հայաստանը ստանում էր նաև Ռուստովի «Դոնսելմաշ» գործարանից²⁸: Թիֆ-լիսում իտալական ներկայացուցիչ Լամանիան և «Մերձավոր Արևելքի ամե-րիկյան օգնության կոմիտեի» ներկայացուցիչ Սմիթը ՀՍՍՀ-ին առաջարկել էին գնել գյուղատնտեսական մեքենաներ և գործիքներ²⁹: Հայաստանի գյուղատնտեսական մտավորականությունը գյուղատնտեսության մեքենայացման և քի-միացման գաղափարները պրոպագանդում էր գյուղական ժողովներում, խրճիթ-ընթերցարաններում, «Դյուղատնտեսական կյանք», «Մաճկալ», «Ավանգարդ», «Նորհրդային Հայաստան» և այլ թերթերում ու ամսագրերում: Համալսարանի գյուղատնտեսական ֆակուլտետի դասախոսները մամուլի միջոցով բնակչու-թյանը պրոպագանդում էին գյուղատնտեսական գիտելիքներ, գյուղատնտեսությունը ինտենսիվ զարգացնելու, այն մեքենայացնելու և քիմիացնելու գաղափարներ: Անվանի գիտնական Պ. Քալանթարյանը վերոհիշյալ թեմայով գրում էր գիտամասնական գրքուկներ, հողվածներով հանդես գալիս պար-

22 «Դյուղատնտեսական կյանք», 1925 թ., № 3, էջ 38:

23 ՀՍՍՀ ՀՀՍԾ ՊԿԱ, ֆ. 123, ց. 1, գ. 90, թ. 128:

24 Նույն տեղում, գ. 190, թ. 22:

25 Նույն տեղում, գ. 18, թ. 100:

26 Նույն տեղում, գ. 797, թ. 2:

27 Նույն տեղում, թ. 41:

28 Նույն տեղում, գ. 18, թ. 48:

29 Նույն տեղում, գ. 806, թ. 38:

բերականներում: Միջատների դեմ պայքարելու, հողը հանքային պարարտանյութերով հարստացնելու, անասուններին համաճարակային հիվանդություններից փրկելու գործում գյուղատնտեսությանն օգնության էր հասնում քիմիան: 1925 թ. հունվարի 20-ին ՀՍՍՀ հողօգտակամ տնտեսության ժողովում Երևանում էր կոչվել նախագիծ՝ «ՀՍՍՀ ալգինները ֆիլոքսերայից պաշտպանելու մասին»³⁰: Հանրապետությունում քիմիական գիտության զարգացման և գյուղատնտեսության քիմիացման ակտիվ կողմնակիցներ և պրոպագանդիստներ էին քիմիկոսներ Ստ. Ղամբարյանը, Լ. Ռոտինյանցը, ագրոքիմիկոս Պ. Քալանթարյանը, բիոքիմիկոս Հ. Հովհաննիսյանը և ուրիշներ: Նրանց առաջ քաշած գաղափարները գյուղատնտեսական արտադրության մեջ ներդրում էին գալառային գյուղատնտեսները, անասնաբույժները և գյուղատնտեսության տեխնիկ-ինժեներները:

Գյուղատնտեսության կոոպերացմանը, արտելների, կոմունաների, վարկային ընկերությունների կազմակերպմանը և սովխոզների աշխատանքներին եռանդուն աջակցություն էր ցույց տալիս Սովետական Հայաստանի գյուղատնտեսական մտավորականությունը: Առաջին չորս սովխոզները ՀՍՍՀ-ում կազմակերպվեցին 1921 թվականին: Նույն տարվա երկրորդ կեսին ՀՍՍՀ կառավարության մի շարք դեկրետներով կազմակերպվեցին նաև սպառողական կոոպերացիաներ, որոնց ցանցի մեջ տարեկան ընդգրկված էր 121 միավոր՝ նաև գյուղական վայրերում³¹: Հայկական ՍՍՀ-ում սոցիալիստական գյուղատնտեսություն կազմակերպելու առաջին փորձերից մեկը՝ 1921—1922 թթ. ստեղծված կոմունաներն էին, որոնց կազմակերպմանը պետությունը որոշակի նյութական և կազմակերպական օգնություն էր ցույց տալիս: Լոռու գավառի Սիսիմադան բնակավայրում (Ալավերդու մոտ) հիմնված Կարլ Մարքսի անվան կոմունայի կազմակերպիչն էր գյուղատնտեսական մտավորականության ներկայացուցիչ, կոմունիստ Ն. Հաճոբջանյանը³²: Կոմունաների սոցիալական կազմը բաղկացած էր հիմնականում կոմունիստներից և գյուղական ակտիվից, որոնց մեծ մասը գյուղատնտեսական և գյուղի մտավորականության մյուս խավերի ներկայացուցիչներն էին: Սակայն նյութատեխնիկական բավարար բազա չունենալու պատճառով կոմունաները շուտով քայքայվեցին: Հայաստանում գյուղատնտեսական կոոպերացիայի կազմակերպման ուղղությամբ նախապատրաստական աշխատանք էր կատարվում: 1924 թ. մայիսին ՀՍՍՀ Կենտգործկոմը և Ժողկոմսովետը դեկրետ ընդունեցին «Գյուղատնտեսական կոոպերացիաների մասին»: Ըստ դեկրետի, գյուղատնտեսական կոոպերացիաները պետք է ընդգրկեին ոչ պակաս, քան 15 գյուղացիական տնտեսություն: Պետությունը հովանավորում էր դրանց կազմակերպումը³³: 1925 թ. ՀՍՍՀ գյուղատնտեսության մեջ արդեն որոշ տեղ էին գրավում գյուղատնտեսական կոոպերացիայի պարզ ձևերն ու վարկային ընկերությունները: Վերոհիշյալ թվականին դրանց թիվը հասել էր 147-ի³⁴: Գյուղում 60 հազար աշխատավորներ ընդգրկվել էին գյուղացիական կոոպերացիաների տարբեր օղակներում և սպառողական կոոպերացիայի մեջ³⁵: Ստեղծված սովխոզների, գյուղատնտեսական կոմունաների և արտելների աշխատանքներին օգնություն էին ցույց տալիս գյուղատնտեսական մտավորականության ներկայացուցիչները:

³⁰ Նույն տեղում, գ. 893, թ. 2.

³¹ «Նորհրդային Հայաստան, հինգ տարի. 1920—1925», էջ 257.

³² Վ. Ն. Ղազարյան, Սովետական Հայաստանի գյուղացիության պատմություն. 1920—1929 թթ., Երևան, 1975 թ., էջ 119—121.

³³ ՀՍՍՀ ՀՄԽՍՀ ԳԿԱ, ֆ. 123, ց. 1, գ. 868, թթ. 3—4.

³⁴ «ՀՍՍՀ Ժողովրդական տնտեսությունը 1924—1925 և 1925—1926 թթ.», Երևան, 1927, էջ 19.

³⁵ «Հայաստանի խորհրդայնացման 5-րդ տարեդարձը, ՀԿ(Բ)Կ Կենտկոմի ազդարարների թեղիսները», Երևան, 1925, էջ 23.

Սկսվեց աշխատանք՝ անջրդի հողերի ոռոգման, ջրանցքների և ջրավազանների կառուցման ու նորոգման ուղղությամբ: Ինչպես Վ. Ի. Լենինը սովորեցնում էր Կովկասի կոմունիստներին, «ոռոգումն ամենից ավելի է պետք և ամենից ավելի կվերաստեղծի երկիրը, կվերածնի նրան, կթաղի անցյալը, կամրապնդի անցումը դեպի սոցիալիզմ»³⁵: Խնդիր էր դրվում ստեղծել թրանցքների, ջրամբարների, ոռոգման համակարգի լայն ցանց: 1921 թ. սկսվեցին Գառնի քաղաքի, Զանգիբասարի, Կրխուրլաղի, Գոկչայի, Ապարանի, Սարդարապատի ջրային ավազանների վերանորոգման աշխատանքները³⁶: Երևանի շրջակայքի ջրմուղ կայանների անցկացման և վերականգնման աշխատանքները ղեկավարում էին հողօգտագործների հիդրոինժեներներ Տեր-Նիկողոսովը և Կիրակոսովը³⁷, 1922 թ. մայիսի 17-ին ՀՍՍՀ հողօգտագործող որոշում ընդունեց հողօգտագործատին կից կազմակերպել հանձնաժողով՝ էքսպրտների հողերի ոռոգման ջրանցքի շինարարությունն ավարտելու համար: 1922 թ. սկսվեցին Զարբախի ջրանցքի³⁸ և Աշտարակի ոռոգիչ ջրանցքի վերանորոգման աշխատանքները³⁹: Արխիվային բազմաթիվ փաստաթղթերի ուսումնասիրությունը ցույց է տալիս, որ վերականգնման շրջանում Հայաստանի գրեթե բոլոր շրջաններում լայն ծավալ էին ստացել ջրաշինարարական աշխատանքները: Կառուցվող ջրանցքներից ամենանշանավորը Շիրակի ջրանցքն էր, որի շինարարությունը սկսվեց 1922 թ. նոյեմբերին: Ջրանցքի կառուցման աշխատանքները ղեկավարում էին ՀՍՍՀ հողօգտագործների անդրտնտեսության ճարտարապետներ ու հիդրոինժեներներ Ա. Ավետյանը, Ա. Մանուչարյանը, Ա. Գասպարյանը, Ս. Օհանյանը և ուրիշներ: Կառուցումը համաժողովրդական բնույթ էր ստացել: 1925 թ. հունիսին տեղի ունեցավ ջրանցքի բացումը: Շիրակի ջրանցքն ունի 30 կմ երկարություն և պետք է ոռոգեր 10.000 հա տարածություն:

Գյուղատնտեսական ուսումնական հաստատություններում ձեռնարկվեցին աշխատանքներ՝ նաև մեխորացիայի գծով կադրեր պատրաստելու ուղղությամբ: Այստեղ էս առաջատար դերը պատկանում էր Երևանի պետական համալսարանի գյուղատնտեսական ֆակուլտետին: Այս ֆակուլտետի դասախոս Ա. Տեր-Պողոսյանն արժեքավոր ուսումնասիրություններ էր կատարել Հայաստանի հողերի հետազոտման բնագավառում: Բացի այդ, իր «Հայաստանի կլիմայի մասին հիդրոֆիզիկական բնույթի աշխատության մեջ անվանի գիտնականը ուսումնասիրել էր քաղցրահամ ջրերի ֆաունան: Ա. Տեր-Պողոսյանը գյուղատնտեսական ֆակուլտետի մյուս դասախոսների հետ միասին նշանակալի աշխատանք էր կատարել հիդրոֆիզիկական և հիդրոինժեներների պատրաստման գործում⁴⁰: Համալսարանի տեխնիկական ֆակուլտետը նույնպես ջրաշինարարական աշխատանքների համար պատրաստում էր ինժեներներ և ճարտարապետներ: Ջրանցքների կառուցման շնորհիվ ՀՍՍՀ-ում ցանքատարածությունների կազմեցին նախապատերազմյան մակարդակի 85,5 %-ը, իսկ 1918 թ. համեմատությամբ ավելացան 3,5 անգամ⁴¹:

Ժողովրդական տնտեսության վերականգնման տարիներին ՀՍՍՀ գյուղատնտեսական մտավորականության կենսամակարդակում կատարվեցին որոշակի փոփոխություններ: Սովետական իշխանության հաղթանակից հետո միջոցների պակասության պատճառով նորաստեղծ պետությունն ի վիճակի չէր լին-

35 Վ. Ի. Լենին, ԵԺ, հ. 43, էջ 239:

37 ՀՍՍՀ ՀՆՍԾ ՊԿԱ, Գ. 123, ց. 1, գ. 1558, թ. 16:

38 Նույն տեղում, գ. 18, թ. 225:

39 Նույն տեղում, գ. 1556, թթ. 1—2:

40 Նույն տեղում, թ. 8:

41 Լ. Պ. Ղափրչյան, Երևանի պետական համալսարանը (1920—1930 թթ.), Երևան, 1965, էջ 175:

42 «Народное хозяйство ССР Армении к концу восстановительного периода», Ереван, 1927, с. 27.

վին ապահովելու գյուղատնտեսական մտավորականության տնտեսական-կեն-
ցաղային պահանջները: Հայաստանում անասունների մեջ տարածված համա-
ճարակային հիվանդությունների դեմ պայքարելու համար անասնաբուժական
առնչակազմը 1921 թ. վերջերին հնարավորություն չունեի ղեկավար վտանգված
շրջանները, քանի որ զուրկ էր փոխադրական միջոցներից, գյուղերում շուն-
բնակարան և այլն: Կառավարությունը միջոցներ էր ձեռնարկում նման իրավի-
ճակը փոխելու համար: Արդեն 1922 թ. սեպտեմբերին ՀՍՍՀ-ում անասնա-
բույժները ստանում էին ամսական 60 ռուբլի, իսկ անասնաբուժականը՝ 30
ռուբլի⁴³, 1924 թ. հոկտեմբերի 1-ից գավառային անասնաբուժական անձնա-
կազմի մատակարարումը դրվեց տեղական գավառականների իրավասության
տակ⁴⁴, 1922 թ. վերջերին գյուղատնտեսների կենսամակարդակը ղգալիորեն
բարելավվեց: Բարձրագույն կրթության գավառային գյուղատնտես արդեն
1922 թ. վերջին ստանում էր ամսական 60 ռուբլի, իսկ միջնակարգ կրթությամբ
գավառային գյուղատնտեսը՝ ամսական 50 ռուբլի: Միջնակարգ կրթությամբ
գավառային գյուղատնտեսական հրահանգիչը նույն ժամանակ ստանում էր
ամսական 40, իսկ հողաշահիչ՝ 45 ռուբլի⁴⁵, 1924 թ. գավառային գյուղատնտե-
սական անձնակազմի մատակարարումը ևս ուղծեց գավառականների վրա⁴⁶:
Սակայն տեղերում շատ դեպքերում մասնագետների աշխատավարձը ժամա-
նակին չէին վճարում, չէին ապահովում առաջին անհրաժեշտության ապրանք-
ներով: Դրա պատճառը մի կողմից երկրի սոցիալ-տնտեսական զարգացման
ցածր մակարդակն էր, նյութական բարիքների պակասությունը, իսկ մյուս
կողմից՝ համապատասխան հիմնարկներում աշխատող անձանց սուբյեկտիվ,
սխալ վերաբերմունքը նշված գործի նկատմամբ:

Հեղափոխության հաղթանակից հետո Հայաստանում զարգացում ապրեց
նաև գյուղատնտեսական կրթությունը: Նորաստեղծ Սովետական Հայաստանի
կառավարությունը ելնելով երկրի գյուղատնտեսության զարգացման շահերից,
աշխատում էր զարկ տալ գյուղատնտեսական կրթության զարգացմանը և
առաջին հերթին բացել բարձրագույն գյուղատնտեսական ուսուցման օջախ-
ներ: Այդ նպատակով 1921 թ. նոյեմբերին Նրևանի ժողովրդական համալսա-
րանի բնագիտական ֆակուլտետի բաղայի վրա հիմնադրվեց գյուղատնտեսա-
կան ֆակուլտետը: Այնտեղ 1921—1922 ուսումնական տարում սովորում էր
53 ուսանող (46 տղա, 7 աղջիկ)⁴⁷: Գյուղատնտեսական ֆակուլտետի կազմա-
կերպման գործում նշանակալի դեր խաղաց նրա առաջին դեկան, ագրոքիմի-
կոս-միկրոբիոլոգ Պ. Քալանթարյանը: Ֆակուլտետի առաջին դասախոսներից
էին այգեգործ Գ. Գրձելյանը, կաթնատնտեսության մասնագետ Ս. Աբովյանը,
երկրագործ Մ. Թումանյանը, կենսաբան Ա. Տեր-Պողոսյանը, բուսաբանու-
թյան և անատոմիայի մասնագետ Հ. Բեդելյանը, բիոքիմիկոս Հ. Հովհաննիս-
յանը, ֆիզիոլոգ Տ. Մուշեղյանը և ուրիշներ: Նրանք համալսարանի գյուղա-
տնտեսական ֆակուլտետը 1924—1925 ուսումնական տարում տվեց իր առա-
ջին՝ 29 շրջանավարտները, իսկ հաջորդ տարում՝ 30, որոնք ուղարկվեցին գյու-
ղական վայրերում աշխատելու⁴⁸:

Միջնակարգ կրթությամբ գյուղատնտեսական մասնագետներ պատրաս-
տելու համար 1922 թ. Օշականում և Լենինականում կազմակերպվեցին գյուղա-
տնտեսական տեխնիկումներ: Լենինականում այն կազմում էր ինդուստրիալ
տեխնիկումի մի բաժանմունքը: Օշականի գյուղատնտեսական տեխնիկումը
միջոցների, գույքի, մասնագետների և համապատասխան աշակերտական կազ-
մի պակասության պատճառով 1923—1924 ուսումնական տարվա սկզբից վե-

⁴³ ՀՍՍՀ ՀՀՍՀ ՊԿԱ, ֆ. 123, ց. 1, գ. 36, թ. 68:

⁴⁴ Նույն տեղում, գ. 627, թ. 89:

⁴⁵ Նույն տեղում, գ. 74, թ. 9:

⁴⁶ «Նորհրգային Հայաստան», 1. VI, 1924:

⁴⁷ Լ. Պ. Ղարիբջանյան, նշվ. աշխ., էջ 53:

⁴⁸ Նույն տեղում, էջ 84:

րածվեց գյուղատնտեսական տարրական երեքամյա դպրոցի: Երևանում ևս բացվեց գյուղատնտեսական տեխնիկում, որտեղ 1925 թ. սովորում էր 77 ուսանող: Իսկ Լենինականում ինդուստրիալ տեխնիկումի գյուղատնտեսական բաժանմունքում նշված ժամանակ սովորում էր 23 ուսանող⁴⁹:

Բնակչությանը տարրական գիտելիքներ ուսուցանելու համար 1923—1924 ուսումնական տարվանից Սովետական Հայաստանում բացվեցին տարրական գյուղատնտեսական դպրոցներ: 1926 թ. հունվարի 1-ին նշված դպրոցների թիվը հասավ 11-ի, որից 1-ը պատկանում էր Ամերկոմին: Գյուղատնտեսական այդ դպրոցներում սովորում էր 1236 մարդ⁵⁰: Գյուղատնտեսական մասնագետներ պատրաստվում էին նաև կարճաժամկետ դասընթացների միջոցով, ինչպես նաև ՍՍՀՄ գյուղատնտեսական և անասնաբուժական ԲՈՒՀ-երն ուսանողներ գործուղելով:

Այսպիսով, ուսումնասիրվող ժամանակաշրջանում ՀԿ(Բ)Կ և Սովետական Հայաստանի կառավարության ձեռնարկած միջոցառումների շնորհիվ հանրապետության գյուղատնտեսական հին մտավորականության ներկայացուցիչները մորթիիզացվեցին և ներքաշվեցին ստեղծարար աշխատանքներում: Միաժամանակ կատարվեցին առաջին քայլերը գյուղատնտեսական նոր մտավորականության պատրաստման ուղղությամբ: Գյուղատնտեսական մտավորականության կողմից աշխատավոր գյուղացիությանը ցույց տրվող բազմակողմանի օգնության և աշխատանքի շնորհիվ գյուղի սոցիալ-տնտեսական կյանքն աստիճանաբար փոխվում էր:

ИЗ ИСТОРИИ ФОРМИРОВАНИЯ СЕЛЬСКОХОЗЯЙСТВЕННОЙ ИНТЕЛЛИГЕНЦИИ В СОВЕТСКОЙ АРМЕНИИ (1921—1925)

БОРИС ТАМРАЗЯН

Резюме

Мобилизация дореволюционной сельскохозяйственной интеллигенции в период восстановления народного хозяйства и вопрос формирования новой социалистической интеллигенции находились в центре внимания КП(б) Армении. Благодаря последовательной политике партии удалось мобилизовать старую, дореволюционную интеллигенцию, вовлечь ее в социально-экономическую, общественно-политическую и культурную жизнь села. Большинство из них сыграло существенную роль на селе в деле восстановления экономики и подготовки новой интеллигенции, стало инициаторами многих починов. Представители сельскохозяйственной интеллигенции в условиях нэпа содействовали упрочению союза трудового крестьянства и рабочего класса.

⁴⁹ «ՀԱՅԿԿԿ» կառավարության հաշվետվության նյութեր, մարտ 1925 թ.—հունվար 1927 թ., Երևան, 1927, էջ 95:

⁵⁰ Նույն տեղում: